



文館詞林卷第四百五十九

碑卅九

中書舍子胤交錄後國史記文館學士程國高陽郡縣縣令程敬等奉

表撰



都督三

隨李德林秦州都督陸香碑銘一首

并序

李百藥洛州都督竇軌碑銘一首

并序

秦州都督劉贍碑銘一首

并序

夔州都督黃君漢碑銘一首

并序

都督三

秦州都督陸香碑銘一首

并序

隨李德林

公講香字雲邁清都臨漳人也

魏及茲門為將相軒冕超於六葉

光於九有曾祖某司空公東郡莊

王美斯餽之和垂台象之耀祖翼

州刺史東郡惠公清猷雅望冠帶

文館詞林

四百五十九

天津華人民國書局  
藏書圖記

58617  
246196

001115

天津華人民國書局  
藏書圖記



推重父開府儀同三司東郡文宣  
公樹德行道樞紳注意公往家河  
洛含章挺生水德不經諸華漸亂  
臣有轉日主或寄坐家家習從橫  
之說人人懷戰爭之圖公執操不  
群早而秀異依道遊藝俎豆而已  
然其屈迹和先卷舒不測異類喜  
其汎愛同道貴其淳誠故雅俗傾  
心聲高天邑魏司空咸陽王坦公  
之舅也釋褐參其軍每步槐庭如  
暎珠玉元象年中除都督府主簿  
加明威之号轉凌江將軍大將軍  
中兵參軍所奉之主即文襄皇帝  
此則周武為太子之朝魏文居郎

將之府正已膺正人之選文藝從  
文容之遊武定五年轉太常丞六  
年授尚書左中兵郎仍歷度支金  
部庫部天保初轉倉部支宣公薨  
公孝行昭著特改所居為孝終里  
起兼行臺右丞巡江慰勞時則侯  
景外叛殲蕩金陵自江已北始為國  
有陳霸先鳩集犬羊窺我王略  
公運籌於外往若風行地方數十  
一舉而服七年以太夫人憂去職  
給假十旬起為度支郎又轉都兵  
舍沓粉壁年將一紀雖復器用見  
留時論咸以為屈公怡然自得未  
以升降為懷遷咸安令帝城之下



舊号難綏齊導有方大弘聲績  
尋授肅宗太丞相府從事中郎  
仍兼并省右丞晉水之陽一相彼  
在霸者之佐知無不爲皇達初拜  
給事黃門侍郎冠軍將軍太監  
二年除散騎常侍夕郎顯任垂憲  
官人出納如流見稱臺省北夷猶  
夏往寇太原王師駘逐已出塞表  
防過之理朝議猶切公前後受詔  
北築諸城東西接連亘二千里城  
池任固沙漠無虞詔食永寧縣幹  
加輔國將軍賞勤幹也天統元年除  
銀青光祿大夫領兼太常少卿大  
樂大禮多所刊革勅監庫部營造

軍器智均武庫贓重軍謀事無  
不有才允斯任加驃騎大將軍假  
儀同三司五年出為使持節都督  
東徐州刺史武平三年轉使持節  
都督北徐州諸軍事北徐州刺史此  
二徐也九州之一土風如舊好尚亦  
同斯境之政始行彼地之人已化仁  
風和四時之氣德澤無十日之雨一  
言出口千里俱應夏秋自馴淮夷  
清靖陰陽順序非藉景山之行  
邦國用康弗待休徵之力轉使持  
節都督秦州諸軍事秦州刺史有  
陳獨蹶寢我江陰城猶環堵忽被  
圍逼公班條為政始隔時序外隣



即慕其風合境已懷其德既而身  
嬰沉痾大節感人縈帶固於金湯  
愀夫成於貔豹展昏相抗交戰必  
摧淹歷數旬頗有餘力以功賞開  
府儀同三司肅憲積時憂勞致損  
薨於州館春秋五十三遐逝悲傷  
莫不掩泣至是号令無王城府淪  
陷賊徒荷平生之意黎獻念宿  
昔之恩各盡誠節奉送神柩某月  
日殯於故里之第贈使持節都督  
瀛滄安三州諸軍事瀛州刺史尚  
書令將軍如故加等之命以王事  
也除其子玄卿為膳部郎延嗣之  
賞義循古昔年月葬於茲所惟公

氣調清遠神彩明暢至察而能容  
物機事不傷於道鄙仲舉之少通  
輕奉高之易挹生知在文藉之外  
大學益識悟之高昆季扶疎閨門  
禮讓各垂孝悌之舉俱稱才幹之  
美自在朝行任兼內外竭誠陳力  
利物濟時知幾若神應變如響至  
仁資執義之武深謀有不疑之斷  
上玄冥昧晚遇寢讎若增筭假年  
申其智略豈徒非朝伊夕肅清藩  
部故當吳越平蕩翹足可期忽逢  
殲瘁之哀更長江湖之惡人事不  
幸一至於斯天地不仁何其甚也  
故吏某官姓名等日月逾往懷感





文淵閣  
翻詔北歸豐師霑泣而城入蛟虹  
豺狼得志藩邑俱空生排窳廓死  
困樊籠伊昔邊守贈藥蓬童蠻夷  
感德禮敬斯崇故鄉送逐無待交  
夢哀榮既畢卉木方叢徒傷人吏  
追慕元光

洛州都督賈軌碑銘一首

并序

李百藥

蓋聞補天立極大聖於是勃興政  
亂朝昏名臣以之陳力步驟之跡  
既在經綸之會斯在固雷風通響  
成其化者玄功韶濩錯音應其時  
者人傑公諱軌字士則扶風平陵  
受終若帝之初大略鴻業中興復  
禹之績因生命氏廣國追讓之風



文淵閣林  
十  
聲高外戚安豐功烈之美義正中  
台夏暨皇唐始於盛漢門威  
靈貺母儀天下是故昭章圖辟冠  
冕楮紳經文緯武之才照重光於  
百代撞鍾列斝之盛流餘慶於千  
祀十二葉祖統鴈門太守大將  
軍武之從子也武以大功不遂

為閹官所誅統避難三奔出塞代  
為南部大人威振華夏七葉祖羽  
魏太尉遼東京公屬魏氏中微愍  
攝朝政竭忠貞以安社稷扶幼主  
而令姦雄曾祖略征北大將軍太  
保雍州牧柱國建昌孝公德高禮  
縟蔚為帝師清徽素範坐鎮雍

俗祖熾魏侍中周太宗伯隨太傅  
雍州牧上柱國鄧恭公以蓋俗之  
姿運如神之智道尊三代義盡  
一心父某周大宮伯襄州亳州管  
上柱國鄧國公柱將相之門懷棟  
梁之器位因功顯名以實高公藉  
繁祀之資稟英靈之祚感白雲而  
諧庶績受璜玉而秘兵鈴幻樹風  
神風標名節志尚宏遠獨秀人倫  
期管樂於老成望韓彭於兒戲軼  
雲羅於沮澤追電駕於當途隨  
仁壽中以獻皇后挽郎授朝請郎  
遷資陽郡東曹掾苞湘納漢始  
消澮於濫觴蔽日干霄尚峙傾



於霞貫氣憤風雲之際情察天  
人之理石立之祥斯兆土崩之義  
有徵公家即塗山姻連渭汭想白  
狐之慶義屬過門望黃鳥之旗  
頽欂同德及星毛秦井電奄南郊  
軍次蒲城便杖劔請謁太上皇見  
公大悅言及平生備獻誠款雖虛  
綰之出入卧内鄧禹之心宿禁中不  
能過也命公為渭南道大使柘  
撫得以便宜從事取永豐之粟甚  
漢卒之食教倉下華陰諸縣同周  
師之擾備武既有宿飽之資仍成  
楛喉之業以功授金紫光祿大夫  
封贊皇縣公又占募英勇五萬餘

人從入京師翊成大業楊州精甲未  
足擬儀薊市耶榆曾何等及兵  
臨九地氣竭百樓以公為東面大  
將于時四夷雲合万里風行彭濮  
比肩樊灌接踵皆出公麾下心預  
偏裨任寄之重罕有其二平城之  
日功實先登進授光祿大夫即上  
柱國也仍除大丞相府詔議叅軍  
事軍詔祭酒此即其人肅府洞開  
首膺高選尋而稽胡侵軼將逼  
近畿公乃推轂專征大破凶黨復  
令公乘勝長馘討薛舉殘猾武  
德元年拜太子詹事惣司之要任  
切宮端才地之華允茲時望尋遷



使持節惣管隴右諸軍事秦州  
刺史帶秦州道行軍元帥秦隴  
形勝控馭遐遠雖地接京畿而人  
多異類西戎即席之地尚餘榛梗  
北狄背義之徒時警烽候惣以司  
牧寄之分閫事兼文武惟公是屬  
於是翦寇虐以威刑愍風俗以平  
典寬猛相濟化成朞月某年進  
封鄴國公食邑通前三千戶二年  
以邛巽初平命公持節巡省以為  
隴蜀道安撫大使三年拜益州道  
行臺尚書左僕射擬跡文昌儀  
刑端右此之舉也特異常倫仍以  
行臺兵徙平伊洛然神旗所指事

功來蘇蓄牧之勞尚資心力公震  
 惟懼之內在行陣之間運籌執銳  
 功冠諸部四年平王元擒實建德  
 仍陪旌節獻捷京師凱樂之辰五  
 將同列元帥居首是惟貞陳以拜  
 聖上榮寵之盛今古未聞七年廢  
 行臺省仍擢檢校益州大都督

九年朝廷大論義旗已來有大功  
 於王室者並食真邑公於是別賜  
 益州封戶書社六百家貞觀初拜  
 使持節大都督益綿嘉邛陵雅  
 簡眉八州南會靈三都諸軍  
 事益州刺史公自杖節華陽綿

歷時序懷荒撫衆之勤定筮存



文淵閣  
不之効固以夜郎款檄昆弥率俾  
非假諭蜀之文靈勞度瀘之役得  
馘之衆每獻廟廷實賦土多充仞  
王府殉公益國不可勝言自秦昭  
平蜀歷茲永久或班祿荆舉或部  
符共化竊比明德彼用多慙王襄  
樂職之篇蓋為小枝王尊叱馭之

舉非曰大忠文翁之脩學校纔方  
進誘李冰之覽江神多慙義烈自  
餘眇小夫何足言尋入為右衛大  
將軍加左光祿大夫文昌上冊列位  
天運軒禁鈎陳擬儀震象惟公居  
之隱如敵國二年拜使持節行都督  
洛鄴伊懷四州諸軍事洛州刺史左

光祿大夫如故陰陽交會之所山川  
作固之都先王以之卜食  
今上於焉分陝居此地也寔簡帝  
心公道在公平義惟正直開物闡  
化急病讓夷訓五方繁雜之毗化  
三川機巧之俗源清流潔風行草  
偃四年以疾薨於館舍春秋若干  
五年葬於某所蓋曰某公禮也惟  
公始於立身終於行道操履端  
肅志尚清明未為顯晦易情不以  
風霜變節神用成九德之基天  
經為百行之本早升庠序遍觀  
流略既韞從橫之志便輕俎豆之  
容數為梁甫之吟每動崇丘之嘯



王潛閣卷軒蓋有期陳蕃虛室  
閑居未掃觀象察變窮數知來  
嘗觀赤伏之符且識黃神之命  
屬唐郊授手大濟生靈匪心烟  
連帝家固以才膺王佐潛德之友  
本以鷄酒相期利見之辰還成魚  
水相得言行計用未藉三略之書  
戰勝攻取自有萬夫之敵故能動合  
神心畢符冥契收鯨鯢若摧朽拉  
犀象如拾遺權節臨藩捍城之  
道斯極分麾鞠旅方面之績居  
多功若丘山屢形中旨心如金石且  
降王言而臨軍用兵益官行政以  
為不言之教藉震曜以為歲大道

既乖非仁慈之可化純以儒術漢  
帝謂之亂家先以刑書鄭相以之  
理國中興之道云盛遺愛之德猶  
存是以奉之以律令申之以撻楚惟  
嚴霜而厲威則飄風以疾恧至  
於舊交密戚祇行直道雖苟晞  
之忍對從母蘇章之暫禮故人無  
以喻也亦由至察共簡易相背強  
斷與陷直相成故醜正之徒或傳  
謗盜憎之訟時聞風以惡激至  
旒褰爰自貞觀俗易時移太平  
之化伊始刑措之風愈洽公望表  
知裏在變能通暢聖言續前文  
主之心遵上皇之始導德齊禮有



恥且格自非惟缺以成務其能與  
於是乎其誥慎守道屬精勤事  
求之古人未易遇也固以重南容  
之三復惜陶侃之分陰及遘疾矜  
留至於大漸每發中使屢遣太  
醫內問至京廢朝輒悼  
詔葬之儀以極昭贈之制有加  
夫立德計切垂範貽則可以銘  
太常而書王府鏤金石而被管弦  
在當年而無媿應永代而不朽者  
惟公乎故吏某官姓名等想生氣其  
猶存痛徽音之永謝式昭盛業樹  
碑神道嗣子某等克構丕基早  
標令譽怵惕霜露欲報之志無

從匍匐几筵誅德之情斯切銜哀  
見託乃述銘曰  
炎光浸隱命應斯窮滔天塞霧  
振海飛風  
皇靈膺錄大濟神功龍興晉野  
電照秦中灼灼英武人之先覺才  
應時須神生靈岳始離緹祿拏遊  
黷學已寤涼沉俄觀卓犖乘機  
去亂杖義來蘇瑀戈振旅玉帳  
陳謨拏屠涿鹿且塞飛狐情深  
寂鄙慶叶微盧既入高郊仍開軹  
道高邑攀鱗靈壇薦寶每奉王  
命通行天討拾益如遺僊秦猶  
草水闔王城神開伊闕榮頽玄



女功叅黃鉞告廟飲至循獮稱  
伐一廟等夷芬芳無歇河洛帝里  
岷峨襟帶畢綜樞機常司要害  
始遇天造終逢時泰間以聿往動  
攝羣會南山獻壽北里呈祥將  
陪東狩遽落西光羣物不殀彼  
獨獵良衰鐘土庶痛結号蒼冥漢  
人理生平華屋初咲後歸始哥終  
典馬奔鍾斲歲蕤簡牘方託辰  
精徒嗟梁木

荊州都督劉贍碑銘一首

并序

李百藥

昔西都佐命罕聞風烈之餘東漢切  
臣鮮預公卿之任以帝王之曹隨騰嘯  
之舉出居侯伯之重入震丹青之地樹

鴻勳於草昧敷文教於彝倫見於  
武陵劉公者矣公諱贍字道洽彭  
城綏輿里人也今僑居亳州之麻邑  
縣自彤雲啓命光宅域中繁衍之  
祚無窮克昌之道斯盛固以分華  
若木疏汎咸池叅辰極以高驥振  
江河以長邁曾祖方譽魏長社縣  
令祖英信潁川太守譬仲弓之和道  
下邑慶屬後昆即知侯之布政近  
畿福流京縣父玄寤州主簿得性  
一止忘懷三徑始遊塵俗終逸江  
海公藉慶承寵舍和稟秀長虹  
吐閨奔電增暉靈府之中高懸明  
月姿儀之表迺照澄流爰自幼年



遠標風尚始遊黌塾聞或露於九  
臯將馳康衢躡遺風於千里言徒  
實貢利用王途雖禮秩未弘而聲  
猷藉甚自永州行佐徵授雍州萬  
年縣丞隨大業之末頗攝行華  
陰鄭涇陽盤屋三原武功諸縣事  
是時賦重役煩政荒人散歷試諸  
縣盖有由焉考績獨高優陟宜遠  
勅除太原縣長神惟改天將悔  
禍獨夫之怨既深撫我之情逾切  
公仰觀垂象俯慨橫流哀時命之  
未申痛人靈之孔棘方成鯀壑之  
資自感登山之夢盡變通之術進  
從橫之圖運翰略於樞機煽風雲

於懷抱義旗初建授正議大夫太  
上皇開大將軍府以公為諮議參軍  
事斯固公違憂軍諮之地奉孝成  
大業之辰豈止孫盛賀循從容府  
朝而已

聖上別揔輕銳出定西河合公權  
攝行軍長史西河卒進授銀青光

祿大夫仍留公檢校西河都通守

得以便宜從事仍令催督軍糧招

集土馬吳起作守未固河山干木

遺風猶多昂聚公導之以期運示

之以幾微於是投袂爭先贏糧景

從非期而會不下万人武德元年以

西河為浩州授公刺史九月進位大



將軍封武陵郡開國公食邑二千  
戶西河始屬亂離人情未一自公安  
撫咸悅來蘇妣賦劉武周閭左叛  
徒挺禍汾晉雖謳歌有奉而窮奇  
未革同惡相濟醜類寔繁連結百  
城從橫千里駟車犬羊盡銳攻逼  
重以并州失守人情惶懼雲梯地道  
氣盡百樓亭委易子糧無半疇公  
懷此精誠厲斯忠義非唯舉刃指  
虜重圍洞開足使拔劍揮泉飛流  
自湧士感恩惠以死為期或刎頸自  
明或焚妻取信諸將敗衄多見奔  
投因公獲濟則有人矣孤城絕援  
錦歷三年內安外拒心力俱竭聖上

掃清霄祲方得保全進位上柱國仍  
除太府卿以旌功伐也公貞固以濟時  
清明以膺務理繁而不吝愛刻而  
行簡氣序纒移大標聲譽五年  
拜襄州道行臺兵部尚書仍持節  
山南道巡撫大使戎事之大方職文  
昌旌節所履載光原隰又以本官  
檢校襄州都督襄州刺史尋除司  
農卿帝命四子敬授人時農曰八  
政寔惟國本選衆而舉能官攸屬  
倉廩既實禮教斯和八年以趙王為  
安州大都督又以本官檢校安州大  
都督府長史又權檢校荊州大都  
督府長史其年又檢校襄州都督貞



觀二年又檢校荊州都督五年  
詔除使持節都督荊硤岳朗澧東  
松六州諸軍事荊州刺史周稱九命  
作伯漢去六條判舉分職設官輕  
重或異尊禮齊德損益同歸昔  
杜元凱以經國宏才惣司南服爰  
自樊漢遷督荆郢以今望古比跡為  
鄰其撫有蠻夷加宣王化豈擇沮  
漳之令典將盡周邵之遺風焉而黃  
亮之道未申大壽之期俄畢促生靈  
於厚夕掩昭代於重泉以年月日薨  
於府舍春秋若干粵以其年月日  
葬於某所謚曰某公禮也惟公風  
力宏遠英姿秀發少多大志卓犖

不群圖鶴列於撫塵肆龍吟於狹  
室陳平間卷車馬每遊王濬門連  
播旗斯在時有未遇道或可懷屋  
壯志於膠序挫雄心於俎豆俯仰之  
節自合威儀造次之間動成規矩文  
籍滿腹曾無踏駁之譏珪璋閎色  
寧有多藏之患以義利人以仁求已  
貴不易交貧而好施願惟百行深  
懼四知廉足激貪儉多逾禮霜霰  
澱而莫改風雨晦而不息始見漸  
陸之姿俄縱垂天之羽附日月而起  
沛遶履玄黃而翦商邑霜朝諷  
諫豈止中涓之勤河西守禦寧唯  
冀城之固垂登九列任隆望重高



才力之奇者臣之才子

農政愛司玉府叶贊九功兼資德廣

惟彼荆衡性固性鎮形勝云屬道風

逾峻江漢澄清琨珉比閩黃閣未

豁丹雲貽釁庸矣國楨傷我梁木

捐耒釋耜塗吟巷矣郟故墟江山

極目清暉素範蘭芬桂馥藩牧

寮采友執通賢共懷遺愛同嗟小

年至情枯柏大署開阡豐碑水

樹盛德方傳

夏州都督黃君漢碑銘首 并序 李百藥

蓋聞龍騰鳳舉聖人德合上天附翼

攀鱗名臣道符興運欽濟人活國非

止獨見之明保大定切必藉群才之





金珥之華寔符令望銀章之重式  
允具瞻祖崇太中大夫器守深邃風  
調高簡中庸履道上庠待問父制  
卷懷丘壑養志琴書屬天將奔齊  
政荒人散地豕荐食彭徐危殆君  
投袂發憤情深批患乃占募鄉人  
表請式過勅授鄉豪大都督及奉  
朝傾覆仍從偃仰既而尉迴稱兵  
保全州國仍惣督士馬出赴汴州公  
義采庭訓慶藉緒餘持名教以立  
身錯黼藻而成性年甫弱冠耿介  
不群指黃閣以載懷望青雲而孤  
竦釣略龍韜之旨因心以悟背山面  
水之術盡地成圖蹈義之方屬熊

掌而不厭趨角之力顧龍文而以  
輕匕首截蛟尾歸飲羽斃江神而  
憤壯氣貫月魄而運冥刃隨煬帝  
驅役中夏遠征遼溟鄉閭首望咸  
遣募人公義不獲已僂佻從事雖  
師徒覆敗猶以先登獲賞授立信  
尉奉州勅置軍府選補越騎校尉  
仍為本府司馬既而大業數窮朝  
危國蹙公深歎橫流方期義舉招  
輯忠勇且觀時變李密據茲勝  
地振彼洪飆力拔嵩華志傾龜鼎  
公言思禍始擁衆策名授公上柱  
國河內惣管封汾陰公仍令據守  
柏崖委以并吞河朔然同軌之謀



已留東并翦高之衆且定西秦  
公察變知來雖懷先覺感恩戀  
舊未忍推已及魏公喪律方効誠  
款竇融之河右言歸劉琮之荊州  
內向弗之尚焉詔除上柱國使持節  
總管懷州諸軍事懷州刺史封東  
郡開國公食邑三千戶竇建德鴆  
張河朔王充狼戾伊潼絕地為妖  
滔天肆虐柏崖山河表裏密迹寇  
讎跨太行之險撫崇邱之背是以  
不移舊鎮用逼凶醜賊徒嫁禍指  
期吞噬始則甘言厚幣以恠亂神  
終乃窮兵黷武若外投石以同心同  
德之衆藉百戰百勝之威偽將每

擒連城必下雲飛銅爵電照金墉  
鞞云國必敗之徵奮凶魁將死之  
魄以功拜使持節管懷陟恭  
西濟四州諸軍事懷州刺史封歸  
國公食邑三千戶公自獻款書工圖  
聖朝未蒙利見必馳象魏表請  
乘遶太上皇以氛祲未靖方資經  
略間不容髮用惜分陰乃降 聖  
書未允情願仍謂群臣宜歸公誠  
績昭著朕思見其人宜遣書工圖  
展容象昔鄧禹雲臺霍光麟閣  
身歿之後方飾丹青豈比  
皇德念功意存容質遂以生年用  
章儀範眇尋前載罕見其倫足



以高邁前脩傳芳來業  
皇上親馭一戎將傾九地  
勅公惣斯駢銳扈從神麾於是  
靖洛關而受圖書暨河朔而和聲  
教飲至燕興廣工陸節制蘇進於  
廟庭大弘勲典賞迺于嗣禮秩斯  
隆既而東魯媛氛塵飛榮岱北趙  
餘孽氣積旄頭陪從戎旃言誅  
後服爪牙之用情寄斯重首虜  
之多功無與戴江湖潛沸楊越任  
梗別惣師律以振  
皇威盡巢穴致前茅之功自淮肥  
威破竹之効軍還除使持節都督  
潞澤蓋韓遼五州諸軍事潞州刺

史唐晉之郊用禮舊俗轉趙之際  
舊戰國餘風喪亂之後人凋俗弊

以下缺文

聖王之則也  
教無類及於唐內設是條及於



得身  
疏遠

後服  
之

之多功無  
授刑愆師律以振

國成盡鼎况政前茅之功自非記

善澤國翁風舉廉之起入既亦補

光觀晉之從民歎蕭公轉能之



冠冕同裂文章咸蕩公以自奔  
 厥心靈以憤典開其耳目奉  
 聖皇之訓比屋可封感邦后之明才  
 教無類及黠虜內侵邊烽夜警  
 暉斯飛則神器無守網漏而群凶  
 競逐人靈之貴涉血履腸地載之  
 厚爪分竊切

大君有作寧濟區夏七十二戰于  
 戈廿八將咸膺星象公望仁義而  
 歸往隨謳歌以欣戴運此謀猷奮  
 斯靈武義兼追楚之騎實與戲  
 黎之切或任切中權或寄深麾下  
 或侍言搏俎或式清宮禁雖言女  
 祕術必翦鯨鯢赤伏神符自奔犀

象而直蘇蘇之意我相並志親望  
皇情乃眷榮府書勲懋德懋切  
可久可大軼上山而慶賞盡帶礪  
於無窮乃出惣兵機外撫方鎮  
既弘車服之錫還資侯伯之重行  
太平之化撫思又之眈鳥獸於是  
歸仁蠻夷以之草面荒微之外種  
落寔繁不識若臣莫知正朔公申  
以文德示以克心汎海梯山夜郎內  
欵觀風俟海朝飛重譯方前驅  
輦道受記明達參駕  
鑿輿告成日觀而彼蒼寘惠與  
善愆期沉痾弥留晦時愈積眷  
言神道禍福之塗終昧並走群望



眩史之誠無感粵以貞觀六年薨  
於州館春秋五十有二城府聞疴  
風雲悽慘營柳翳以銷已棠陰  
颯而搖落哀纏野祭痛結眩謠庶  
遺愛之長存恨百身之不贖輶  
楮風詔靈舟歸帆攀惟噓水跡  
慕盈塗非關至峽之獲豈止友  
江之歎粵以七年十一月還葬於  
本邑之舊塋

皇情軼悼贈贈加等太常考行  
謚曰某公嗣子騎都尉河壽第二  
子騎都尉河上並氣調標舉器  
幹夙成立德之方終期永錫楊  
名之美允屬孝思至性通神叶

歸鄉之夢大龜襲吉奉安宅之  
圖故吏某官姓名等痛徹飲之  
永遠懼陵谷之遷賀乃傳芳金  
石貳昭不朽迺為銘曰  
周氏彭濮漢室吳英並去列出  
各控強兵竟隨同德並擅高名  
於惟上將實惣連城和宣義烈  
翼贊休明家積祉祉門多卿相  
始自江子聿來河上昌年溫雅大  
夫貞亮曰父之靈惟人之望弁載  
其德我承靈眈眈英眇矧矧  
雄姿唐生問相太卜開龜永懷  
廟食獨照軍諮寶銘北虜羿繳  
東夷遺跡是慕餘風可追國步





文韻圖林卷第四百五十九



後  
秋書  
騏  
馬  
以  
於  
平  
中  
年  
歲


次  
癸  
布  
二  
月  
為  
冷  
數  
二  
陰  
書



身  
見  
之  
化  
泉  
宮  
非  
春  
年  
生  
氣  
方

化  
泉  
宮  
非  
春  
年  
生  
氣  
方

文韻圖林卷第四百五十九





文館詞林卷第六百六十五

詔卅五

政省一

中書李賓客監修國史弘文館學士上柱國高陽郡開國侯許敬宗等奉 勅撰

梁高祖武皇帝南郊禋祀大赦詔一首

後漢郊章帝廟大赦詔一首

東晉成帝郊祀大赦詔一首

後魏孝文帝祭圜丘大赦詔一首

宋文帝南郊大赦詔一首

親祠廟大詔一首

南齊武帝郊祀大赦詔一首

饗祭大赦詔一首

殷祭恩降詔一首

梁武帝新移南郊親祠大赦詔一首

南郊恩降詔一首

南郊恩詔一首

梁大冬至郊禋赦詔一首

南齊禋饗恩降詔二首

北齊孝昭帝郊祀恩降詔一首

宋孝文帝讓孫子書大赦詔一首

宋文帝拜陵赦詔二首

貞觀年忠拜謁陵赦詔一首

西晉武帝籍田大赦詔一首

西晉武帝籍田大赦詔一首

宋文帝籍田大赦詔一首

宋文帝籍田大赦詔二首

宋孝武帝躬耕千畝大赦詔一首

梁籍田大赦詔一首

南齊武帝籍田恩詔

梁武帝籍田恩詔二首



謝靈運藉田勸農大赦詔一首

梁簡文帝明堂成

大赦詔一首

後魏孝文帝遷都洛陽大赦詔一首

隋煬帝營東都大赦詔一首

後漢章帝郊廟大赦詔一首

聖山川告

制詔朕巡狩岱宗崇望山川告

祠明堂以章先勲其二王之後

先聖之肩東后藩衛伯父伯先

仲州季第幼子幼孫百僚從臣

宗室衆子要荒四裔沙漠之北

葱嶺之西冒瀝之類跋涉懸度

陵踐阻絕駿奔郊時咸來助祭

祖宗功德延及朕躬予一人空  
虛多疚纂承尊明盥洗享薦慙  
愧慄慄詩不云乎君子如心亂  
庶端也庶數既從靈曜著文亦  
欲與士大夫同心自新大政天  
下

東晉成帝郊祀大赦詔一首

東晉成帝郊祀大赦詔一首

制詔仰憑先訓傍賴宰輔雖自  
勗勵恒惕于心有司備典虔奉  
郊祠燔柴既饗芳氣清穆誠君  
子勤礼眩力普存祖宗神靈天  
下咸得自新  
地歆類奚奚猶朕躬荷斯沐祐  
思與地庶共同斯慶其大政天



更以法對骨節自今以時宜  
量才外除軍人外罪凶與悔  
何士軍夫獲香及不檢官檢宜  
以上缺文 華無說 和貴檢效 姪書恩

與惟新可大赦天下自大業二  
年四月廿五日昧爽以前大辟  
罪以下已發覺未發覺及繫囚

見徒惡皆原免其流徙邊方已  
達前所亦宜放還人州官大親  
在矜恤天下黎元宜免一年租  
調人誰無過所貴能改赦書以  
前之官失爵者必行能可稱宜  
量才收叙官人犯罪已從科斷  
更令忒役情有矜自今以初宜

罰防及劫賊之

家口遠配亦宜傳遣晉陽送止

坐者多弃振錄用寔惟朝典

在送地為緣坐解任者亦量

用內外群官俱當朝委但能

化人使知禮節則歎訟自

平可期常赦可

京限若挾藏軍

日不首復罪如初赦以前百

身相告言者以其罪罪之

林卷第六百率五

前史書及春秋編民裏射陳典

奉口數 庚辰二年五月十日書于臣神福寫

史籍初及法想之



貞觀年中與于乾長勅一首

勅交州都督府司馬于乾長文  
州重鎮控馭夷夏二佐之任不  
易其人遂安公壽雖是宗室迹  
親未經臧務須相匡弼共行善  
道聞卿乃背公向私唯存諂媚  
非理之事動必贊成奉法之人  
即共排毀彼都督府長史李玄  
明居官清慎每存正直卿与都  
督疾之若讎計卿此情難可容  
恕但以遠道察訪恐未詳審所  
以不即加罪更令委訪卿宜自  
勉勵改往修來若此行不除必  
無縱捨之理宜知

真舉  
北齊武成帝舉士勅一首  
太上皇帝勅旨設官分職唯賢  
是寄調俗恤人於斯為切自非  
在朝群彥各舉所知何以載康  
政術永隆邦化今重明薦法具  
如前件理有存焉庶可益並  
宜妙盡拔茅式諧僉議勿致差  
違自貽賊負付外便施行  
隋文帝令山東卅州刺史舉人勅一首  
勅某官某甲君臨天下所須者  
材為不求材何以為化自周平  
東夏每遣搜揚彼州俊人多未  
應起或以東西舊隔情猶自踈



或以道路懸遠慮有因之假為  
辭託不肯入朝如能任者皆得  
榮位況伏草萊尚為前位此則  
慮目下之利忘久長之策刺史  
守令典取人情未思此理任而  
不送朕受天命四海為家關東  
關西本無差異必有材用來即  
銓叙虛心待之猶飢思食彼州  
如有仕齊七品已上官及州郡  
懸鄉望縣功曹已上不問在任  
下代材幹優長堪時事者仰精  
選舉之縱未經仕官材望灼然  
雖鄉望不高人材卓異悉在舉  
限或舊有聲績今實老病或經

此行重出

限或舊有聲績今實老病或經

犯贓貨枉法之罪並不在舉例

凡所舉者分為三番具錄官歷

家狀戶屬姓名送尚書吏部曹

第一番二月廿五日仰身到洛

陽受河南道行臺吏部曹進

第二番待裝束備辦令向京師

受吏部曹慶公並仰心職主簿

將典送之第三番且使在家別

聽約勅令今舉送宜存心簡選

送名之後朕別遣訪問若使被

舉之人有不及不舉者罪歸於

公等更不干餘等官司公等宜

將朕此勅宣示於人令知朕意



此事專委於公等，必不得監薦。復勿使失材也。旨宣此懷，不復多及。大猷、中興、參軍、事、事、直、除授。皇帝除崔士順散騎侍郎，勅一首。崔士順散騎侍郎勅一首。太上皇帝勅旨龍驤將軍考功郎中崔士順識懷溫正詞藝清華入陪輿輦時談允屬可散騎侍郎仍郎中將軍如故。崔武成帝命韋道孫燕正貢迎陳使勅一首。太上皇帝勅旨伏波將軍侍御史前大尉府中兵參軍事韋道孫理識溫敏詞藝清華迎勞遠賓僉論斯在可兼散騎侍郎至。

境道迎接陳使素前華友

北齊武帝除潘子義持書表謁還解史勅一首

太上皇帝勅旨隨材授任抑有

前規通直散騎常侍判東平王

開府中郎事潘子義往毗臺務

功績無爽龍驤將軍檢校御史

裴謁之恪居職事堅貞可錄攝

官優秩僉論攸歸子義可以本

官領兼持書侍御史謁之可殿

中侍御史將軍如故

北齊武帝除源那延持書房照太守勅一首

太上皇帝勅旨持捕惡禽理憑

鷲鳥言改錯節實須利器前件

源那延等或職業清華或祿字



閑懇隨材任使命謂得人件授  
如右付外依式

北齊武帝除龔瓊等太守勅一首

太上皇帝勅旨專城之寄有屬  
惟良前件龔瓊等早從任使並  
展勤績緝釐人政命議所歸件  
授如右其有將軍品爵悉如故

北齊武帝除盧景開太守等勅一首

太上皇帝勅旨典郡毗藩允鍾  
勤幹件盧景開等並器業明遠  
局量優通宜任以化人申其志  
力件授如右其有將軍品爵悉  
如故

北齊後主除崔孝緒等太守長史勅一首

勅旨言求人瘼寔資良守欲清  
藩政允寔允僚前行新興郡事  
崔孝緒廣州前別駕封士鴻等  
並早涉官塗夙擅勤績專城贊  
牧義非虛屬孝緒可行并州樂  
平郡事士鴻可西汾州長史其  
有將軍品爵如故

隋書德林

北齊後主起復邢恕

雷郎勅一首 隨李德林

勅旨并省前屯田郎中邢恕往  
遊建禮聲績已聞雖在艱憂義  
有攘奪可起復前官付外依行  
北齊後主除李遵茅官勅一首  
隨李德林  
勅旨近西戎未序來寂金谷駭  
牽犬羊縈城自守前伴李遵茅



忠誠肆憤氣勇發橫戈揮劔  
吐吃無前賊徒乞解土宇清復  
奉軍實於和門獻醜類於麾下  
錄功行賞並宜優擢件授如右  
將軍開國防境悉如故付外依  
行  
此後王蔭并州沙門統寺勅一首

勅旨律師智審戒行精苦具此  
律儀法師法炬多解博聞玄門  
咫尺文武內外送往寺居仰為  
先朝伽藍摩搆統理僧務寔資  
開士智審可并州沙門都維那  
无上道寺主法炬可并州沙門  
都維那无上道副寺主各持使

衆十人仍令住寺付外依行

慈後主降僧惠摩異州沙門都維那勅首 隨李德林

勅旨趙州劉滔寺僧惠摩夙持

戒業私濟為心往在東楚時逢

邊寇藩鎮相望郵驛為梗而冒

涉險途屢通音信忠誠之義深

以嘉之可異州沙門都維那

貞觀年中授杜如晦等別檢校官勅一首

勅兵部尚書蔡國公杜如晦刑

部尚書永康縣公李藥師勳望

之重情寄攸深雖成務禮闈宜

叅掌樞秘如晦可檢校侍中藥

師可檢校中書令

貞觀年中命房玄齡檢校禮部尚書勅一首



勅中書令邦國公房玄齡勲高  
情舊望重寄深文昌政本叅贊  
攸屬可檢校禮部尚書事  
黜免

隨文帝斛石孝義等官勅首隨李德林

勅往年王謙作逆出師誅討上

件石孝義等受命從軍弼諧戎

事功成闢地是將帥之司錄功

叙勞歸文吏之職及王師大捷

清蕩岷嶓執筆之徒肆情誣罔

諸是僚佐凡數十人同詳共謀

虛相構架偷勲竊効先從已始

自知阿曲所在祇縫軍旅之人

雖不見賊但許論訟即入勲簿

證虛作有以少為多聚斂貨財  
弗知紀極益部既庶誠我可懸  
前遭賊入已被殘吾後逢累吏  
資產更空損穢朝歎廢虧戎政  
此而可忍孰不可懷論其本心  
宜從大辟朕好生惡殺並怒其  
死孝義等在身凡有官爵悉可  
除之於益州所得賞及私受一  
物已上並即追收

隨文帝免常明官爵勅一首

李德林

勅儀同三司平原縣開國公常  
明稟性凡愚庶事無取首在周  
代盜務朝行無以容茲不肖仍  
穢纓冤可解儀同縣公



隨文帝免馬仲任官爵勅一首

李德林

勅上開府儀同三司太平公馬仲任閨門之內帷薄無辯同氣之倫行均鳥獸宜應潛形忍愧速避人間而來謁殿庭理外求請人而無禮固以要君有機朝行宜除官爵

文館詞林卷第六百九十一

勅書

德義勸

勅書

勅書

勅書

勅書

文館詞林卷第六百九十九

教四

恒亡 莊賢 嚴需 後復 聖展 禱祀 崇法

中書令太子賓客蘇敬圖史弘文館學士王柱國高陽郡開國公臣許敬宗等奉

勅撰

後漢李固恒奉高令喪事教一首

宋劉義季藏枯骨教一首

宋傅亮為宋公收葬荆雍兩羽文武教一首

梁簡文帝祭北行戰亡將容教一首

贈賻扈玄達教一首

監護柱嵩喪教一首

瞻邱部曲喪柩教一首

梁江淹為蕭驃騎築新亭壘埋枯骸教一首

梁任昉轉送亡軍士教一首

梁沈約祭故徐崔文教一首

贈留直人祖父教一首



梁王僧鶴在縣祭杜西曹教一首

梁王僧鶴在縣祭杜西曹教一首

東晉庾翼襄荊州主者王譙教一首

梁簡文帝圖雍州賢能刺史教一首

梁簡文帝甄張景顛復讎教一首

東晉王洽修太伯廟教一首

宋傅亮為宋公修復前漢諸陵教一首

為宋公修楚元王墓教一首

為宋公修張良廟教一首

梁簡文帝修理羊太傅蕭司徒碑教一首

陳沈炯為王公修相國德政碑教一首

梁王僧鶴在縣祭杜西曹教一首

梁江淹為蕭驃騎發徐州三五教一首

梁王筠習戰備教一首

恆奉高令喪事教一首 後漢李固

告曹侍事掾師儼及吳喜平城

牟基廡令在奉高備勅閨門教

禁施從盜賊衰息獄訟宜少興

崇經典威武兼並考功效實為

郡中軍當龍先基窮極榮壽何

意小疾乃至顛殞可痛可惜銜

絕肝心太守舉門為之流涕母

老子弱門戶單微又今北州舊

族少立清高遺言懇惻欲令暇

白之素終始不滓故遣儼熹基

等共視喪事約勅丞掾勿妄為



非法法賻從吏車兩當令嚴事  
以時備辦聞有穀在羸地上已  
遣吏糶當今時集勿令吏得容  
姦時既淺薄此郡尤甚儼等務  
加惻隱動靜言  
藏枯骨教一首  
京劉義季相

經紀夫征伏違節寔微謗政吾  
雖速庶側循近異規誨慮者之  
既深人嗟未已思廣消邱弥昧  
其方埋樹行堦義存令典收枯  
設醊事感曹陳四境之內有委  
骨露骸毀棺頽椁為經塗所踐  
輟者可申命有司嚴加斂藏其  
宜資湏取給官物豈曰云補奠

微杼矜懷便速施行

為宋公校葬荆雍二州文武教一首

宋傅亮

經紀近二寇肆逞距捍王旅荆

雍文武並被驅逼鋒刃既交死

傷盈目罪歸元凶衆庶何辜尸

骸未掩悽然矜懷可告宣郊郭

有家人及親戚在此者各令收

斂若家遠外無相料理者勅右

戶給材器時殯殮之并物色人

形標揭題識令六親尋致今天

人驛虜橫遭非命事至於此愧

悵兼懷

祭北行戰亡將客教一首

梁簡文帝

二府州國經紀吾奉命西藩擁



麾戡伐鋒臨秦汝深入殿場三  
軍之士蒙犯戈戟歲時勞止日  
月悠長或告盡災亦或身膏林  
草悼茲既往曾何可忘凡諸逝  
者可剋曰奠祭庶長城之下永  
息委骨之謠洛水之南無復零  
雨之尖雄鬼忠魂少慰原野外  
即施行

贈賻扈玄達教一首 梁簡文帝

二府州經紀昔代將一言便申  
郡守之賞曹臣小節猶需御史  
之榮況復勇邁前脩誠奮往烈  
軍主扈玄達摧堅陷敵戰亡旋  
踵自出師薄伐實有厭勞殞命

鋒刃宜加孰寵可贈本郡新野  
太守賻錢一万布巾時遣監  
廩外速施行梁簡文帝  
監護杜嵩喪教一首  
二府州國經紀水曹參軍杜嵩  
殞命戎間甚用傷愍嵩汗馬累  
年辛勤已著此段復隨杜懷瑤  
凌危履險身杆其父致此喪命  
昔示盱杆親之難彭循衛君之  
鋒皆遺芬前史垂名後代未有  
如嵩奮袂忠孝兼舉悲懷惻愴  
不能自息可賻錢十万布百疋  
并遣監護喪事別表申聞加以  
榮爵外即施行賻本



瞻郵部曲喪柩教一首 梁簡文帝

二府 國經紀首射聲之營曹襄  
有掩無之德廣漢之邑陳寵有  
收葬之仁言念轉蓬尚思故夢  
瞻斯狡菟猶憶舊丘以彼弃葱  
傷茲墜履吾出藩以來歲時淹  
積屢變寒暑頻阻寇戎今荷墮  
書得蒙收短絰東從士庶有於  
此殞命棺柩妻子不能自及者  
外可量宜瞻郵使得泓流庶龍  
沙之塵無憂於沈水鶴奔之鬼  
不勞於通夢外即施行

為蕭驃騎築新亭壘埋枯骸教一首 梁江淹

府州經紀夫河南稱慈諒由掩

對廣漢流仁實存殯朽近哀製  
茲營崇塚浚塹古墟曩趨時有  
湮移深松茂草或致刊薙憑軒  
動惠巡隍增愴宜並為收斂并  
設薄祀主局詳辨施行良載原  
轉送亡軍士教一首梁任昉

府州國經紀隆死甄節著自周  
經加等明陳之魯冊述獫狁侵  
邊鋒鏑關甸元戎砮伐胡馬北  
徂今春所上人丁將吏身殞戰  
場或命離災疾贍言翔野良以  
愴情可使泓流分明標塵即付  
所瞻迎致還本餘孤遺老宜存  
拯異其將吏在軍身經戰陣薄



有尤劉者賜之綬假

祭故徐崔文教一首

梁沈約

經紀貴邦冠衣不少有士如林  
劉鄭傳駱之家樓留徐揚之族  
雖晚運彫疏不達疇往而餘風  
未改舊俗猶存徒以邦校齊寨  
私引蓋闕致雍業淪喪勸募靡

因斑白懷道發憤於鄉曲後進

希風宜聞於閭閻太守譔忝朝

私分竹斯境誠學不專經牆面

邦國勸厲之志獨盈懷抱方欲

開飾庠宇招置生徒延茲舊學

授以章句庶鄒魯之風重興巴

蜀之化可勉郡前孝廉太未徐

崔文結髮從師華首未倦詳洽  
之功有譽邦邑故屈慙學務俾  
訓後昆曾未云幾奄然長謝本  
懷不遂愴恨兼情及其在殯可  
遣薄醢樓切曹材思斐然柳惟  
材子并為祭文用申往意

贈留真人祖父教一首

梁沈約

經紀昔秦王慕道三山之使相  
望漢帝希靈五岳之巡不輟故  
能使韓衆羽化西母來儀神迹  
景蔚可得而言也貴郡區寓秀  
邈含竒隱異鴻軒接軫鶴駕成  
群金華東山留真人誕鍾靈性  
獨悟懷抱日飲霞食卅餘載假



并劔林旣景登雲敬想微塵翹  
仰赫結真人門基緒曹此邦冠  
冕而祖禰栖遲榮命不及言念  
追遠增懷無已若夫未穆私謚  
尚允昔談潘喜追旌寔惟舊典  
可贈真人祖功曹史父孝廉庶  
厥幽靈薄尉上隴

在鬢杜西曹教一首

梁王僧鶴

夫駟歸丹青猶懷之於千古沉  
吟豪竹欲光之於千載況其鄉  
可踐其道不亡杜生者實南園  
之後人東山之異士造次玄達  
被服仁義五業必談六行無缺  
靜焉虛室緇塵莫得而干澹然

飄泊鄙競於何可入其昔因負  
芟聊示禪冠暫解下士來遊工  
困吾亦諸生從師問道始遇劉  
先生之室末華何徵君之園契  
開精廬慤勤橫舍疊之清論匪  
辰伊夕灼之高文自篇成卷聚  
散不恒一然為別吾從祿南障  
彼亦返東臯一間山川多阻音  
訊謂仁者壽而此子不追塗阻  
且遙瞻赴事隔常怨素車不駕  
宿草已蕪忽以不材懷印茲壤  
下車望境不覺涕之無從聊欲  
申其薄祭以薦故友胸笥已備  
蘋潦可辨明便宿春蓐食指告



墓田即可命彼舟人驚駭遄邁  
襄荊州主者王謙教一首  
夫編名朝錄執笏為吏誠應潔  
已奉時以致忠節而未俗偷薄  
貪濁者衆雖罪黜相尋而莫之  
改也兵曹書佐王謙近得區閑  
賦貽而能公言不受雖臣下之  
體不可不然然在事者多復不  
能尔以人相望令人嘉之經紀  
宜共甄識至於勞滿叙之令超  
也用意如此理當清貧清貧之  
錫所以厲不清也可賜布三十

渠田可命舟人驚駭遄邁

圖雍州賢能刺史教一首 梁簡文帝

二府州國經紀古之所謂死而  
不朽者其唯令名字故奠州表  
朱穆之象太丘有陳寔之畫田  
子玄碑高樹汝南之右王生虛  
廟猶在雒邑之傍自峭渭上壩  
脩都堙穢迴照輿井劃雍根起  
晉建興之初迄齊永明之末此  
土州將寔為不少或有留愛前  
口或有傳芳史藉或武猛紛紜  
或風流名望宜其寫彼丹青長  
為準的肯越王銘金尚思范蠡  
漢君漆畫猶憶高彪矧彼前賢  
寧忘景慕可並圖象聽事以旌



厥善庶以諭茲琴海僻彼高木  
王者即施行稱吾此意

甄張景願復讎教一首 梁簡文帝

二府州國經紀夫理感禽魚道  
均荆棘亦有鄉因行改江以孝

移廣平太守祭天起際送陰縣

安樂村張景願自縛到郡列稱

父以天監七年為陰成村婁法

所殺介時年始八歲從來恒加

伺捕不相逢遇以今月九日於

公田渚斬法級祭墓訖束身歸

官昔沂澤撫劍河南執戟遠符

古義實足可喜防廣刃讎救其

桎梏之罪丁蘭雪恥擢以大夫之位可原願罪下屬長蠲其一戶租課以旌孝烈并上尚書外速宣下

修太伯廟教一首 東晉王洽

太伯既至德高讓風流千載加

端委垂化真所謂大造千吳而  
儀形所殆同建旅殊非所以崇  
礼賢達辨訓後昆之謂使可籌  
量脩謹使有常制

為宋公修復前漢諸陵教一首 宋傅亮

經紀夫信陵之墳守衛無曠展  
李之隴推蘇有刑彼匹夫懷道



列國陪隸猶見禮異代取貴隣  
邦漢高撥亂及政大造區宇道  
極橫流功高百代盛德之烈義  
在不泯是以大晉之初尊禮三  
恪而喪亂遐緬與時湮替山陽  
不祀陵塋蕞蕪願瞻北原情兼  
九京長陵可復十家其餘十陵  
可各復三家並即近陵居人長  
給酒掃王者申下施行

為宋公修楚元王墓教一首

宋傅亮

經紀夫褒賢崇德千祀稱光尊  
本敬始義高自遠楚元王積仁  
基德昭藩斯境素風道業作範  
後昆本枝之祚實隆鄙宗遺芳

餘烈奮乎百代而止封沉翳墳  
塋莫翦感遠存往慨焉永懷夫  
愛人懷樹甘棠且猶勿翦迨堊  
甄墓信陵尚或不泯況所此興  
開源自本者乎可蠲復近墓五  
家長給灑掃便下施行

為宋公修張良廟教一首

宋傅亮

經紀夫盛德不泯義存祀典微  
管之歎撫事赫深張子房道亞  
黃中照隣殆庶風雲言感蔚為  
帝師表項定漢大極橫流固已  
叅軌仰望冠德如仁若乃神交  
圜上道報高洛顯默之際窈然  
難究源流冲浩莫測其端矣塗



難究源流冲浩莫測其端矣塗  
次舊沛仁駕留城靈廟荒頽遺  
象陳昧撫事懷人永歎寔深過  
大梁者或仁想於夷門遊九京  
者亦流連於隨會擬之若人亦  
足以云可改掛棟備飾丹青  
蘋蘩行潦致薦以時抒懷古之  
情存不刊之烈士者施行

修理羊太傅蕭司徒碑教一首

梁簡文帝

國經紀吾比維舟渚涯亟登南  
峴晉太傅鉅平侯齊司徒昭王  
二碑舊經有屋傾柿蕪穢略不  
復脩並曩歲名賢前代良牧頌  
聲猶在留像尚存豈心裁謙鶴

獨記黃武可遣國常侍庾信依  
先構立庶令冠蓋之傍有踰七  
尉之軌高車之嶺無慙四皓之  
碑

為王公修相國德政碑教一首

陳沈炯

教府州甘棠不翦取茂邵南之  
風峴山常存實聞矧子之德相

國殿下地居不賤道濟生靈昔

因求瘼建旌匡蠶人德歸厚作

教在寬麟趾增哥中和屬詠翠

石生金刊同勳鼎玄龜負字勒

比盤孟戎藉憑陵飲馬江沱城

寺煨焚廬井夷域唯百姓所立

殿下德政碑巋然獨在此所謂



道高北極德固南山百靈扶持  
萬歲遐祉頌奉休風誰不載躍  
外可即開掃備飾營造屋觀當  
使揚備拜祭常識好碑王祭經  
過不逢缺字式展人心用旌万  
壽慮施行

黜故江州刺史王敦像贊教一首 東晉庾亮

經紀圖像所以表其形容而昭  
其事跡若乃德為物宗功施於  
人圖之可也詠之可也豈歷官  
服事便儀之不朽邪是亂大從  
而善惡無章矣王敦始者以朗  
素致稱遂贖可人之名然其晚

節晉賊也猶漢公之與王莽耳  
闔棺之惡固以暴於天下而乃  
圖其像貌著之銘贊言何所述  
義何所依且吾豈與賊臣之像  
同堂而處乎便下毀之以為鑒  
貳

廢袁真像教一首

東晉劉瑾

經紀夫圖像之興有自來矣大  
小雖殊理存德義未有肆其詠  
而非其人者也袁真獲罪天朝  
身陷斲棺之責猶與衆賢列圖  
垂之不朽所謂大盜居正豈可  
余邪舉目矚對心所不論貴邦  
諸人脫未之思耳昔王火將軍



疊亦莫大庾太尉往臨貴州  
除其像讚雅裁坦然是百代之  
高准也幸速廢之以允大體  
祀胡毋先生教一首  
後漢李固  
告曹禮記曰夫聖王之制祠也  
法施於人則祀之以勞定國則  
祀之昔堯遭洪水人處巢窟禹  
平水土附祀于河弁裡嘉穀託  
祀于稷斯所謂以勞定國者也  
自宣尼沒七十子亡經義乖散  
秦復火之然胡毋子都稟天淳  
和沉淪大道深演聖人之旨始  
為春秋制造章句是故嚴顏有

所祖述徽徽後生得以先砧斯  
所謂法施於人者也故宣尼豫  
表之曰胡毋生知時情匿書自  
藏不敢有聲董仲舒亦稱吳楚  
之王勢為南面然而弃仁捐義  
背本畔帝故名為小人實為刑  
戮甚可著也胡毋子都賤為布  
衣貧為匹夫然而樂義好禮正  
行至死故天下尊其身而俗慕  
其聲甚可榮也太守以不材嘗  
學春秋胡毋章句每讀其書思  
覩其人不意千載未臨此邦是  
乃太守之先師又法施於人礼  
宜有祀今月甲子祀胡毋先生



五官掾奉謁齋楫梁各三升豚  
一頭薦神坐前務加祫蕭二月  
八月報求之時曰社餘福以為

常晏不怠今春祈雨

祠司徒安陸王教一首其詞簡文帝

因經紀昔然明著績留武威之

祀少長良宇雋桂陽之碣亦有

文獻醜料寶之質平南式鴉子

之墳齋故侍中司徒安陸昭王

昔撫茲藩神明其政年歲未淹

遺愛不息今者結纜釣臺艤舟

華峴遙觀高碑前瞻靈廟臭味

敬繁

已深欽風斯在外可具彼蘋克

明祭謁庶令臨淄惠隴不獨高

於秦令高陽酈坐豈然擅於曹  
文曰限邊陲厥敷自漢已越  
與僧正教一首 梁簡文帝勅  
此州伽藍支提某列雖多設莊  
嚴盛備供具觀其外跡雖備華  
侈在乎意地實有未私何者凡  
鑄金刻玉鏤漆圖瓦蓋所以仰  
傳應身遠注靈覺羨龍瓶之始  
晨追鶴林之餘暮故祭神如在  
敬神之道既極去聖茲遠懷聖  
之理必深此土諸寺止乎應生  
之日則暨列刑像自斯已後封  
以篋笥乃至十尊五聖共處一



厨或大士如來俱藏一匱信可  
謂心與事背貌是情非增上意  
多精進心少昔塔裏紅函止傳  
舍利鴈頭白傘非謂全身夫以  
畫像退陳尚使吏人識敬鎔金  
圖範終令越主懷思匹以龍阿  
尚能躍鞞方之歟兜猶稱出匣  
况復最大慈父無工善聚聞名  
去頗見形入道而可憐此雕香  
蘊斯木蜜絨匿玉豪封印金掌  
既殊羅閱久入四天又異祇洹  
掩戶三月寶殿空臨瓊階虛敞  
書帷不開非仲舒之曲學絳薛  
長掩似邠卿之避讎且廣夏雲

垂崇堯鳥跂若施之玉坐飾以  
金鈿必不塵靄輪姿虧點月面  
瑠離密窓自可輕風難入龍璣  
細網足使飛鷲不過兼得虔敬  
之理必崇接足之心弥重可即  
懷詳審永使准行

無專會一首

梁蕭綸

僚紀大事廣濟義非為已導引  
群生種之方便所以虛已樂靜  
表之內經確乎難拔者自外典  
又加獨往斯意足論隱不隔真  
乃為菩薩廬山東林寺禪房智  
表法師德稱僧像實号人龍懷  
道守素多歷年所不為事屈不



為時申上下無常一相無相遂  
能捨彼嗜闇來遊垢濁興言一  
面定文杆曰余以薄德謬臨大  
邦教義未聞貴賢愍至昔綺季  
之出漢年樊許之興唐曰茲迺  
聖主流慈天澤傍被異人間出  
復在此辰不勝舞蹈帝之恩普  
也剋今月十日於西賢寺設無  
尋會并致教開士躬諮勝福下  
筵餐道凡厥崩殒爰及庶士因  
不率從咸皆請業工咨軋茲永  
回彼岸外依事宣行  
造立騰霄觀教一首  
梁王筠  
教此境雖靈岳駢羅仙隱攸集

而郭內城傍了無基館靖言在  
懷常以於邑知城西寺東地惟  
爽塏朝市相望而即目林阜聚  
落非遠幸絕蹢塵此實勝地便  
可依止其臺堂所須工力資費  
今宣告同好庶不日而成讚揚  
勸化請自余始并製名騰霄別  
事聞奏前脩理臨海先化館事  
已畢切亦併騰述言上

為武陵王府州上禮迴為法會教首

梁蕭子暉

府州閣下一日具僚以吾下車  
甫余酒醴通意既同落室之飲  
有類肩壽之觴前後因循推而  
不納吾以獻饗之禮眼耳交通



酒酌之懽尊卑道接爰命所由  
無棄介志當選良辰申茲樂飲  
但誇饒載笑未若偈頌之一聞  
血膏揚烟不如塗末之慙起今  
欲化牛為大車之果變酒為甘  
露之因米勅伽陀滿之八斛物  
我兼利不其善歟外可詳設法  
會并屏僧徒庶欲少返放魔載

肅仁祀

三日賦詩教一首

梁簡文帝

二府州經紀今氣序韶明風雲  
調謚豈直洛格嘉宴金谷可遊  
景落興道舞雩斯在咸可賦詩

北征教一首

主薄夫兵家之興不出三葉豈  
不以其器本不祥動違行正之  
所致我遠尋先代曹孫諸君並  
以英材挺生之量或乘運而起  
或扶義而興並切隆海內惠濟  
蒼生而嗣裁三四歷年數十况  
此胡羯本非人類豈因否利豕  
縱中原窮凶極虐古今未有僭  
肆迄今將跨四紀豈此寇之無  
斃此道之可久哉蓋由江東屢  
歿內故違恤蕭牆遵養歷葉義  
旗未建故使應云之寇顛滅無  
由向愼之人忠本路塞耳自李



龍代勒猜宮滋甚腹心枝幹自  
相殘戮窮力恃戰屢夕奔北豈  
非姦略轉衰凶威漸屈故邪且  
仰觀天文表謹於上俯察人事  
離弃於下足明皇祚之方隆寇  
命之日替吾雖不武屬當斯會  
宴安榮寵豈其素志恭行天罰  
非今而何是以間為備豫今粗  
尅并潛命方鎮期契亦集便今  
日建牙發命要與所統文武士  
庶振王威於山北顯義征於趙  
魏遇可降而納之遭可討而伐  
之莫逋誅之猾虜必授首於俎  
雖皇晉之遺黎復覩陽曜於更

始諸曹其各隨圖部公無令臨  
事一物有闕其速宣示諸佐咸

使聞知

試嚴教一首

宋孝武帝

先帝道合二儀澤濟倉生恩之  
所洽異俗草面何圖天禍橫流  
變生冢嗣賊劫狂忍躬行弑逆

冤酷之深古今無二叩心崩號

泣血尸存吾奉承大諱便就纂

勒志梟凶醜以雪恥責文武將

帥受恩自昔莫不枕戈奮樂飲

淚待旦又奉司徒告神謨英略

赫然大号徵甲數州駱驛在路

并賊冠軍疏忠烈亮到協茲義



師荆雍連兵水陸爭奮幽顯協  
邦人神同憤以此討逆義踰矜  
遺兵貴神速去惡宜疾況在今  
日痛酷兼常可遣冠軍將軍詔  
議領中直兵柳元景率精銳三  
萬風馳先邁輔國將軍詔議領  
中直兵宗慤提勁捍二萬以相  
係接征虜將軍司馬武昌內史  
沉慶之統勒五萬星言次路吾  
當惣領大衆躬御我旗便可內  
外式嚴星速備辦仰憑社稷之  
靈府乘逆順之數屠膾元凶殄  
之為期使仇恥獲申展哀陵寢  
雖死之日猶生之年臨紙踟躕

肝心寸裂

為宋公試嚴教一首

宋傅亮

經紀自我狄擅命跨制中畿園  
陵幽淪情敬地隔先王舊墟翦  
為沙漠或人謀未集或時不可  
封故令殊類荐居百年相覲廟  
堂之筭十紀無成吾忝大任志  
在清一而屬逢多故靡有寧歲  
每懷遐慨無忘遠圖今內難告  
夷四疆清晏智戎繕器俟命而  
動得樂仲子申季應籤姚興審  
死支黨離貳子姪尋戎自相吞  
噬司雍馭擾遺黎倒懸此否終  
之期蕩定曰也時來有會赴機



宜疾令工表大舉指期進討便  
 可尅日誠嚴諸所備辦隨局申  
 攝速施行  
 為大司馬作北征教一首  
 閣下京洛丘墟園陵幽隔緬感  
 遐慨何日忘懷太尉允迪神武  
 志一六合家國之恥於是平雪

吾傲若時之會何宜宴安榮寵  
 今便抗表求行以申誠節隨局  
 備辦勿令稽後  
 北路教一首  
 二府州國經紀昔曹章衛霍之  
 言祖逖臨江之誓亦有稜威細  
 柳勒石燕峰吾自受脤西河出

車薄伐雖金城降虜日聞款附  
而玉門多壘憂責尚深櫟城餘  
寇久應弼拔諸將按兵不能定  
定猶令羽書入塞燿火出關未  
靜遊魂久勞探甲吾今便搃率  
麾下一舉掃定假節驍勇將軍  
竟陵太守軍主魚弘率彼勁卒  
浴鐵鷗騎精勇五千直衝城下  
皆樓煩命中待詔射聲之使羽  
飲石梁鏃折天柱假節壯武將  
軍軍主左文敗鐵騎三千隨機  
伏截必使問事之杖廢其詭謀  
射的之權寢其姦路假節雄烈  
將軍隨郡太守軍主席宗範等



拔犀揭石之勇擐旗斬將之雄  
馬步三千遙趣朝水風烈將軍  
洛州刺史北上洛太守揚傑精  
甲銳兵飛馳應起綠星艦之輕  
棹逐粉水之安流舟師二千呼  
吸便至武猛將軍曹幹渚宮勁  
卒陝西武旅二萬精兵駱驛相  
繼折衝凌險所向無前先鋒將  
軍典籤軍主茹曇等精甲三萬  
或爪牙權勇或謀猷帷幄風烈  
將軍記室叅軍陸軍等並叅持  
禁戒展采聯事雍容文雅戴筆  
從軍帳內蒼光銳甲三萬憤氣  
含雄奮威雷動鸞視鷹峙獸眈

龍驤絳旌拂天霜戈動日願躬  
則生雷電叱咤則起風雲以此  
攻城何慮不尅以此衆戰誰能  
拒之王洪黨竄伏窮壘偷生假  
命欲固巢窟其可得乎鎮朔將  
軍長史襄陽太守柳津威惠兼  
宣士馬元威可留知後事鎮守

州城便剋今月廿一日內外式

嚴行留慶分每令精速若大軍

近次洪黨即能送款輸誠釋縛

焚覷劫之漏網男女小大一無

所戮如其守迷不及並同城掠

外速施行

為蕭驃騎發徐州三五教一首 梁江淹



府州經紀沉攸之背慢雲控稽  
誅之曰久矣况今稱兵江漢之  
上圖豐廟闕之下怨熾罪盈人  
靈所絕朝廷已克辰纂嚴金輿  
夙駕吾任先責遠義兼常慨挺  
刃投袂信見其時方當水斬龍  
舟陸銜犀光雖烈士銜志壯夫  
投槩然雲羅既舒宜廣威防所  
統郡縣便普三五歲依舊格以  
赴戎塵主局飛火施行

習戰備教一首

梁玉筠

教經紀墨翟斷趾意在寧未申  
骨流泣義存救楚何則父母之  
鄉其事兼重桑梓敬恭斯情實

切頂歲叢余蠢類竅掠公行侵  
軼郊疆憑陵城邑大則係虜妻  
孥細則掠棄賢產流離絕域生  
分天地其為恥痛難以寄言而  
此境百姓曾無憤激論情語事  
失之已遠今宜公私勸力務存  
靈濟義防既已降旨便應依事  
施行書云不教人戰是謂棄之  
又云兵不素習不可以戰便宜  
拑率義勇以時教習使里閭鄉  
黨皆有武備士庶童耆人懷戰  
心則小寇餘孽望風自弭矣主  
曹詳旨施行

文淵閣

西華閣

藏書

藏書

藏書



